


A woman with short dark hair, wearing glasses and a colorful batik blouse with a pink sash, is shown from the chest up. She appears to be speaking or presenting. The background is a light, textured surface.

**FINTECH**

**RISIKO  
PERLU  
DIURUS  
DENGAN  
BIJAK**

 **BISNES B2**

# Perlu bijak urus risiko fintech

» Pengawal selia pasaran modal kena cari strategi terbaik teroka teknologi kewangan

Oleh Che Wan Badrul Alias  
chewan@bh.com.my

Sektor teknologi kewangan (fintech) menawarkan peluang besar dalam pertumbuhan pelaburan baharu termasuk kerjasama di peringkat pasaran antarabangsa, namun risikonya perlu diuruskan dengan berhati-hati.

Timbalan Ketua Eksekutif Suruhanjaya Sekuriti dan Bursa Thailand (SEC), Datuk Dr Nik Ramlah Mahmood (gambar), berkata pengawal

selia pasaran modal kini berdepan cabaran mengimbangkan antara manfaat dan risiko impak fintech yang mampu menyebabkan kemusnahan pasaran kewangan besar-besaran, jika gagal diuruskan dengan baik.

Katanya, bagi mengelakkan risiko itu, pengawal selia termasuk SC perlu mencari strategi terbaik serta masa yang tepat untuk meneroka dan meletakkan dasar berkaitan fintech pada kedudukan betul tanpa menyekat peluang pertumbuhannya.

## Penghargaan kepakaran

“SC perlu bekerjasama dengan industri menerusi penubuhan inisiatif Komuniti Pakatan Teknologi Kewangan atau aFINity@SC sebagai penghargaan

terhadap kepakaran mereka untuk membantu kami mencari kedudukan sesuai dalam dasar fintech ini,” katanya pada forum pengawal selia pasaran modal masa depan, di Simposium Pasaran Modal Sedunia (WCMS), Kuala Lumpur, minggu lalu.

Khamis lalu, Datuk Seri Najib Razak mengumumkan penubuhan inisiatif aFINity@SC bagi membentuk satu rangkaian khusus untuk pihak berkepentingan yang bergiat dalam fintech.

Fintech merangkumi rangkaian luas teknologi berkaitan sektor kewangan seperti perisian urus niaga, data pasaran, teknologi pasaran saham, analitikal, perkomputeran awan, rangkaian berkelayaran tinggi serta teknologi mudah alih sebagai salah satu

daripada sektor yang berpotensi tinggi.

Timbalan Ketua Setiausaha Suruhanjaya Sekuriti dan Bursa Thailand (SEC), Tipsuda Thavaramara, berkata fintech sememangnya diakui penting, namun kebanyakan pengawal selia pasaran modal masih belum bersedia melaksanakannya.

## Sedia berdepan risiko

Katanya, pengawal selia pasaran modal tidak boleh memandang ringan impak fintech, lebih-lebih lagi bagi pasaran baharu muncul supaya tidak terlalu melindungi peserta pasaran sedia ada dan bersedia berdepan risiko yang besar pada masa depan.

“Justeru, penting untuk kita bekerjasama menubuhkan satu badan yang sentiasa dapat mengejar perkembangan dalam fintech kerana ia sangat dinamik dan teknologinya bergerak terlalu pantas,” katanya.

Pesuruhjaya, Suruhanjaya Sekuriti dan Pelaburan Australia (ASIC), John Price berkata, krisis kewangan global kini menggoncang kepercayaan pelabur terhadap institusi kewangan besar, namun pada masa sama membuka peluang kepada perniagaan kecil fintech mempertingkatkan pasaran dan operasinya.

